



Apeqquteqaat aallaavigalugu oqallinnissamik siunnersuut: Qanoq ililluta imeq sermerlu nunatta avataanut niuerutigalugu aningaasarsiutiginerusinnaavarput?

(Inatsisartunut ilaasortaq Anthon Frederiksen, Partii Naleraq)

Demokraatini isumaqarpugut imermik nilammillu avammut tunisassiorneq ineriartornissamut periarfissallit ilagigaat. Pisariaqarporli eqqortunik sinaakkusersuinissaq, periarfissat pitsaanerpaamik piviusunningsinnaaqullugit.

Tassunga atatillugu Demokraatinut pingaartorujussuuvoq erseqqissassallugu isumaqaratta pisortat suliassarinnikkaat imermik tunisassiornissaq avammullu nioqquteqarnissaq. Isumaqarpugut pisortat suliassarigaat sinaakkusersuinissaq, aningaasaliisartoq namminersortoq ataaseq arlallilluunniit suliamik sulianilluunniit aallartitsisinnaaqullugit, pilersitsinerup nalaani pisortat tapiissutaannik pisinnaallutik soorlu Greenland Venture aqutugalugu taamatullu siunnersorneqarsinnaassallutik Greenland Businessimit. Kisianni ilungersorluta erseqqissassavarput pisortat suliamit sulianilluunniit pingaernerpaamik tunuartariaqartut, taava tamatum kingorna aallartitat namminneq ingerlasariaqarput niuerfimmi unammilleqatigiiffiusumi.

Kalaallit Nunaat nunatut eqqiluilluinnartutut naliginnaasumik isigineqartarpoq aamma qularutissaanngilaq nunarsuarmi tamarmik atuisartut imermik nillarissumik imerusunnerusartut kissalaartumiinngitsoq. Tamatumani imeq Kalaallit Nunaanneersoq pilersaarutigissallugu piukunnarneroqaaq, nunarput pissusissamisoorumik sikumut issimullu atatinneqartarmat. Paasissutissat taamaattut avammut nioqqutissiornissamut tunngavissatsialaarpasipput.

Demokraatini tamanna tunngavigalugu qilanaarpugut Naalackersuisut 2016-miit 2019-mut nilammut imermullu pilersaarutaata saqqummiunneqarnissaanut.

Demokraatini siunnersuutigaarput, Inatsisartut imatut oqaaseqaateqassasut:

Inatsisartut Naalackersuisut kaammattorpaat 2016-miit 2019-mut nilak imerlu pillugit pilersaarusiamut atatillugu pitsaasunik sinaakktissamik pilersitsissasut namminersortut aallartissinnaaqullugit ingerlatsisinnaaqullugillu suliffimmik unammilleqatigiinneq tunngavigalugu imermik nilammillu tunisassiorninnaasumik.